

海

甯

觀

潮

錢序

浙江潮，天下之奇觀。觀潮之地，昔有兩處：一爲錢塘（卽今之杭縣），一爲海寧。但江流變遷，今昔異勢，昔日潮經龕、赭二山之間，大溜西行，錢塘或具壯觀，且以南宋都杭，地以人貴，錢塘之潮，易著盛名。今則潮由北大壑、赭山及其北諸山，早經附麗南岸，而龕山以北，沙磧漲至二十餘公里之闊，潮入杭州灣後，扼於對岸沙磧，拗怒不洩，折而向北，直撲寧塘，撼地篩天，氣張勢盛，及經百餘里之奔馳而至杭境，已成強弩之末，故今日觀潮之地，舍錢塘而趨海寧，所謂「銀山雪屋，掣電奔雷」之浙江潮，舍海寧外，其他各處，均無足觀。因此「海寧觀潮」名聞中外，觀潮之客，近年益衆。惟以海寧僻處一隅，雖有「水怪」（浙江三怪之一）之盛名，向無導游之專書，凡前往海寧觀潮者，輒以無書參考，引爲遺憾。

海寧旅僑同鄉會常務委員高伯時君有鑒於此，特刊行海寧觀潮一書，閱其內容，不獨對於觀潮知識，應有盡有，足爲往海寧觀潮者之嚮導；且對於海寧鄉土及錢塘江沿江各縣山水勝蹟，扼要記載，考證精確，得此一書，蓋勝讀十餘縣誌矣。

記者作客海上，恆長年不返故鄉。每歲秋風起，中外人士，喧傳到海寧觀潮，不禁心動。今「觀潮節」又近矣，讀海寧觀潮一書，覺昔時游釣之地，一一在目，重有感焉。是爲序。

中華民國二十二年九月十日 海寧錢源

陳序

夏歷八月十八日爲「潮神生日」，中外人士，羣赴海甯觀潮；高君伯時，於是有海甯觀潮之作。或曰，今國難嚴重，民生困苦，觀潮非其時；抑知不然。蓋浙江潮會，久負盛名，考其起源，如夢梁錄（宋度宗咸淳十年吳自牧著）中所載：

「八月十八日，大將軍出校水師於浙江亭，江岸樓屋，盡爲貴戚租賃，作看位觀操，艨艟數百，于潮未來時下水，展旗打鼓，分列兩岸，倏爾黃煙四起，人物略不相覩，水礮轟震，聲如崩山，及功成鳴鑼，則一舸無迹，僅有敵船爲火所焚，隨波而逝。」

由此紀載，可知宋代實於是日校閱水師，傾城士女出觀，水師秋操，意義何等重大！回顧今日外寇深入，國土日蹙，正與南宋時同，非提倡尙武，不足以圖強；非振興軍，不足以救亡。觀潮人士，撫今憶昔，其有動於中乎？

自南宋以來，六七百年間，因江流變遷，觀潮之地，由錢塘移至海甯。海甯爲蠶桑之鄉，農產物尤富，向稱奧區。但近年受外貨傾銷影響，農產物之價暴落，絲繭尤陷於末途，農村生活

之困苦，幾非都市中人士所能想像；則乘此觀潮機會，亦使都市之人士，略知農村之災狀，而亟謀所以救濟；至於使都市之金錢，由觀潮人士之手，流入農村，以稍蘇農村之困，乃其小者也。

高君伯時抱以上兩大願心，本淺出深入之旨，作海寧觀潮一書，提倡到海甯觀潮，用意良深；其影響所及，雖謂與國計民生有關，亦無不可也。故樂爲之序。

中華民國二十二年九月二十日 海甯陳志皋

自序

海寧觀潮，名聞天下。每年觀潮之客，不遠千里而往；尤以陰歷八月爲最。蓋以陰歷八月十八日爲「潮神生日」。時則海暑方消，秋色如畫，中外人士，遊興若狂，競以一觀「浙江潮」爲平生快事。而海寧爲唯一觀潮之地。故滬杭路局特定於此時開駛「海寧觀潮專車」三日，以運載中外人士至海寧觀潮；杭海汽車公司亦增加來回次數，並預備大批專車，以供觀潮客雇用；自近年京杭滬杭兩公路先後告成，京滬各地，可以乘汽車直駛海寧。故觀潮之客，以交通便利之故，更逐年增加，統計每年中外人士至海寧觀潮者，何止萬人。每屆潮訊，滬上如中國旅行社及青年會等，均有「觀潮團」之組織，可見其盛況之一斑。


惟海寧觀潮，雖遐邇咸知，而觀潮之書，則向無專著。以致中外人士之有觀潮癖者，或以無嚮導而中止前往；或雖附「觀潮團」而往，但行動受團體之牽制，不能任情暢遊，一攬海寧之勝，亦屬憾事。

自序
民十八，記者在上海發起組織海寧旅滬同鄉會，並主編該會發行之潮聲，刊時，即擬


編海寧觀潮一書，以貢獻於觀潮者。後潮聲停刊，記者以事叢未及將此書編成。今年春與周君浴文談及此事，周君慫恿續編，並願分任其事，乃復着手編纂。越三月而稿成，更親至海寧各處，實地調查，及搜集各種圖表，照相，爲時又一月，全書始告成，計分爲四編：特將海寧縣、錢塘江、浙江潮各列爲一編，分別敘述，以清眉目；附編選錄觀潮文藝，以助遊興。此書內容雖不敢云十分完備，但對於觀潮之知識，已覺應有儘有。今「觀潮節」已近，各地人士往海寧觀潮者必衆，故特刊書，以備「指南」之選，亦聊盡地主之意爾。

中華民國二十二年八月十日

海寧高伯時識



海寧潮之雄姿




海寧潮之壯觀



海寧郊外



東地一瞥



尖山口内之湖




尖山望海




尖山口外之浮趾山




海寧之斜坡塘



錢塘江中



海寧之鎮海塔




中山公園海濱部




中山公園津池部



海神廟外景



海神廟內鼓碑亭




海寧墳上



海神廟前白玉石獅之

東邊清溪



潮南堡





鎮江塔下

持 照 相 簿 杭 拿 徐 貝
書 相 館 寧 州 憲 漂 上
此 館 及 松 二 民 澤 照
誌 攝 新 月 我 先 先 片
謝 贈 光 照 軒 生 生 蒙